

AWEMainta

E DIFERENCIA DEN NOTICIA

120 AÑA GUARDIAN GROUP FATUM

“GOING THE EXTRA MILE” PA SIGURA BO SMILE



2 TA TEMPO PA UN CAMBIO DEN MANEHO
E PELIGERNAN DI PERSECUCION
POLICIAL NA VELOCIDAD HALTO

3 UN OBHETO CELESTIAL
MISTERIOSO A CAPTIVA ISLANAN ABC:
TABATA UN ASTEROIDE OF
UN SATELITE CU A CAY?

5 E ERA DI INMUNIDAD
DEN PARLAMENTO DI
ARUBA MESTER TERMINA




M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign

Stop Searching!

WHAT VS WHERE?

Tel. 583-7072 | info@vcc-int.com | www.vcc-int.com



VCC
International NV

Ta tempo pa un cambio den maneho

E peligernan di persecucion policial na velocidad halto

DEN un incidente tragico recien, un persecucion policial na velocidad halto a termina den un catastrofe ora un auto maneha pa un hoben di 20 aña a accidenta, resultando den e morto di un pasajero. E evento aki a re-encende e debate tocante e necesidad y seguridad di persecucionnan policial, treciendo preguntanan crucial tocante e balansa entre autoridad di ley y seguridad publico.

E hoben chauffeur, confronta cu e terror di evadi polis, a tuma un decision fatal pa huy. Mientras cu e escogencia di e chauffeur pa huy ta innegablemente imprudente y ilegal, ta importante pa considera e circunstancianan cu a conduci n'e decision aki. Den momentonan di miedo y desesperacion, particularmente entre chauffeurnan jong of sin experiencia, e instinto pa core por domina pensamiento racional.

Sinembargo, e responsabilidad no ta solamente riba e hoben chauffeur. E polis, den nan persecucion, tambe a contribui na un situacion peligroso. Persecucionnan na velocidad halto inherentemente ta pone multipel bida na riesgo - no solamente esunnan di e chauffeur y pasajero, pero tambe e oficialnan persiguiendo y observadonan inocente. E velocidad alcanza durante e persecucion aki por conduci na accidentenan catastrofico, manera a wordo mira den e caso tragico aki.

E meta principal di autoridadnan di ley ta pa proteha y sirbi comunidad, pero e metodo di persecucionnan na velocidad halto hopi biaha ta contradeci e mision aki door di pone seguridad publico na peligro. Mientras cu detene sospechosonan ta esencial, e manera di haci esaki mester wordo scrutina cuidadosamente. E captura inmediato di un sospechoso ta bal e perdida potencial di bida y e peligro amplio p'e



publico?

Estadisticonan mundial ta revela un realidad cruel: hopi persecucion na velocidad halto ta termina den accidente, lesion, y fatalidadnan. Den hopi instancia, e crimen cometi p'esnan huyendo no ta hustifica e riesgo extremo di un persecucion na velocidad halto. Mayoria biaha, e individuanan aki, incluso ora wordo deteni, ta wordo libera lihe, haciendo e persecucion un esfuerzo envano y peligroso.

Ta tempo pa reconsidera y reforma e politica rond di persecucionnan policial. Metodonan alternativo, manera uza tecnologia pa track sospechosonan of implementando protocol mas estricto pa inicia persecucionnan, mester wordo explora.

Adicionalmente, estableciendo guianan cla, cu ta limita persecucion na situacion cu ta regarda un crimen violento, por reduci significativamente riesgosonan innecesario.

E perdida di un bida, specialmente esun di un pasajero inocente, ta un prijs halto pa paga pa un sentido di husticia pasajero. Door di pensa, discuti y reforma e politica di persecucion, nos por alinea miho e practicanan di autoridadnan di ley cu e meta final di salvaguardia e publico. E enfasis mester ta riba de-escalacion y e detencion strategico di sospechosonan, en bes di participa den persecucion cu por converti nos camindanan den trampa mortal.

Den conclusion, e resultado tragico di e persecucion policial aki ta sirbi como un recordatorio cruel di e necesidad pa cambio. Proteha e publico no mester bin a costo di pone bida na peligro. Ta imperativo cu nos adopta metodonan mas inteligente, sigur, y efectivo pa maneha sospechosonan cu ta huy. E balor di un bida humano, incluyendo di nos cuerpo policial, ta surpasa e satisfaccion temporal di un captura na velocidad halto.

Un obheto celestial misterioso a captiva islanan ABC:

Tabata un asteroide of un satellite cu a cay?

UN espectáculo celestial inespera a encanta e residentenan di Aruba, Corsou, y Boneiro (islana ABC) diasabra anochi rond di 8'or di anochi, ora cu un obheto briyante a pasa den e cielo. E obheto, cu ta wordo pensa di ta un fragmento di asteroide of un satellite cayendo, a ilumina e anochi, provocando asombro y speculation entre miles di observadornan.

Rapportnan di NASA ta indica cu asteroide 2024 NB2, un baranca espacial di 100 pia cu tabata biaha na un velocidad asombroso di 29,777 miya pa ora, tabata spera di pasa na un distancia di 2,390,000 miya di Tera. E proximidad aki ta cualifica como un Obheto Cerca di Tera (NEO), garantizando un monitoreo mas di cerca. E asteroide a wordo premira pa pasa siguramente dia 13 di juli, haciendo e un candidato probabel pa e exhibicion briyante cu a wordo presencia riba e islanan den Caribe.

E bista a captiva hopi hende riba e islanan ABC, cu a logra capta video y potretnan di e obheto briyante mientras e tabata crusa e cielo. Algun residente a reporta di a scucha un zonido fuerte algun seconde despues di e bista, pero ningun sitio di impacto di meteor a wordo encontra.


Agregando na e misterio, e evento ta coincide cu e fayó reciente di un cohete SpaceX Falcon 9. E cohete, cual tabata transportando 20 satellite Starlink, a haya problema poco despues di a wordo lansa for di California debi na un lek di oxígeno likido. E mision faya a laga e satelitenan den un orbita no sostenibel, condenando nan pa drenta bek den e atmosfera di Tera y kima.

SpaceX a confirma cu e satelitenan lo eventualmente cay, pero e tempo y locacionnan exacto di nan re-entrada ta keda insegur.

A pesar di e coincidencia, e obheto briyante mira riba e islanan ABC ta mas probabel di ta un fragmento di asteroide 2024 NB2. E visibilidad inespera di e evento celestial aki a provee un oportunidad raro y valioso pa tanto astronoman amateur como profesional pa observa y studia e fenomeno.

SpaceX, funda pa Elon Musk, ta sigui atende cu e fayó di e lansamento reciente mientras ta mantene confiansa den e trayectoria di Falcon 9 y su sistema di escape di emergencia. Misionnan venidero, incluyendo un vuelo espacial priva lidera pa biyonario Jared Isaacman y un vuelo di astronauta pa e Estacion Espacial Internacional pa NASA, ta keda riba schedule.

Bek den Caribe, e abista celestial a lanta un fascinacion y



curiosidad amplio. Scolnan local y clubnan di astronomia ta organisando discusionnan y sesionnan di observacion pa capitalisa riba e balor educativo di e evento aki.

Sea un fragmento di asteroide 2024 NB2 of un satellite cayendo, e bista a laga e hendenan di Aruba, Corsou, y Boneiro den asombro, resaltando e naturalesa dinamico y impredecible di nos cosmonan.

120 añ Guardian Group Fatum

“Going the Extra Mile” pa sigura bo smile”

GUARDIAN Group Fatum, e compania lider di seguro den Caribe Hulandes, ta anuncia cu orguyo su celebracion di 120 añ di existencia. Cu esaki, e compania di seguro ta marca mas cu un siglo di confianza y servicio na su cliente nan. Cu e tema “*Going the extra mile*” Guardian Group Fatum ta enfatisa su compromiso na participacion comunitario, ofreciendo seguridad financiero solido y productonan amplio di seguro.

For di cuminsamento, Guardian Group Fatum a compromete su mes pa brinda servicio y sosten excepcional na su cliente nan. E tema “*Going the XMile*” ta papia pa su mes y ta subraya e dedicacion di e compania pa surpasa expectativa nan di su cliente nan y haci un impacto positivo y duradero den comunidad. Den un mundo caminda tur hende ta druk cu nan propio bida, Guardian Group Fatum ta traha tempo pa su cliente, socionan y comunidad.

No awe y ayera so, pero pa 120 añ caba y ainda tin mas pa bay. E compania di seguro sa cu “*Live Easy*” no ta asina facil. E ta rekeri planificacion, determinacion, trabou duro, y un actitud positivo. P’esey Guardian Group Fatum ta bay e “*extra mile*” tur dia pa su cliente y socio nan por biba un tiki mas trankil.

Ademas, cu e mensahe aki, Guardian Group Fatum ta encurasha comunidad tambe pa bay e XMile pa y cu otro. Di e forma aki nos ta crea confianza y relacion nan duradero. Demostrando compromiso y dedicacion na bienestar di otro ta inspira reciprocidad, haci un diferencia positivo impac-

tante den bida di otro y ta crea un contribucion positivo na un mundo cu mas compasion.

“Danki na nos cliente nan cu a sostene nos pa mas cu un siglo. Sin nan sosten, nos lo no por a logra esaki. E resiliencia, dedicacion, y compromiso incansabel di henter nos team di empleado tambe ta sumamente aprecia y di esnan cu a forma e fundeshi. Cu boso confianza y sosten nos a logra mas cu un siglo di exito. Mirando pa dilanti, nos ta compromete pa sigui innova, brinda servicio excepcional, y marca un diferencia significativa den bida di nos cliente nan y di comunidad.” – di acuerdo cu Diego Fränkel, Director di Guardian Group Fatum.

Como experto ya pa 120 añ, Guardian Group Fatum su maximo deseo ta pa mira comunidad prospera awor y den futuro. P’esey e compania di seguro ta compromete pa sigui bay e XMile cu su variacion extenso di productonan di seguro cu ta yuda e ciudadano proteha su mes di consecuencia financiero den caso di un situacion imprevisto. Esaki ta encera e.o. seguro di bida y/of pensioen cu ta yuda plania pa un futuro financiero sigur y tambe producto di hypotheek cu ta yuda yega na un propio cas.

Ademas, Guardian Group Fatum ta compromete na su responsabilidad social, cu e vision pa sostene sociedad. P’esey e campaña di ‘Kontent’i Mirabo’ na Corsou tin un balor special p’e compania. Cu e meta pa contribui na un futuro prospero y mas duradero pa tur hende, ‘Kontent’i Mirabo’ ta enfoca riba realisa soño y deseonan di otro y pa comparti calor y amor cu otro, no obstante si ta algo chikito of grandi. Cu esaki, Guardian Group Fatum no ta solamente fortalece su compromiso cu responsabilidad social y su laso cu comunidad, pero tambe ta refleha su balornan nucleo di cuido y compromiso pa otro y integridad.

Mientras Guardian Group Fatum ta mira pa futuro, e compania di seguro ta invita tur cliente, socio y comunidad completo pa join e celebracion di 120 añ di hubileo. Keda pendiente e añ aki pa diferente sorpresa. Paso **“Guardian Group Fatum ta bai e XMile pa sigura bo smile.”**

Local Residents Special

50% off on any spa treatment

Includes

- Complimentary Mimosa
- Complimentary beachside and poolside seating*

Local residents also receive 25% off at Laguna and Miramar Garden**



eforea SPA
Hilton Aruba

*offer is valid for residents with local ID. Up to 3 additional guests and subject to availability.
**excluding full-sized bottled beverage and buckets.
Open daily 9:00AM - 6:00PM | +297 5266052 | auahh_eforea_aruba@hilton.com

E era di inmunidad den Parlamento di Aruba mester termina

E ley cu ta duna politiconan den Parlamento di Aruba inmunidad pa tur locual nan ta bisa den Parlamento, a conduci un biaha mas e ultimo simannan na un punto abou den e nivel di debate. Nos Minister Presidente, durante un reunion den Parlamento, a insinua cu un miembro di Parlamento ta uza un 'substancia blanco'. E incidente aki ta subraya e necesidad urgente pa revisa e legislacion existente y pa exige cu esnan presente den Parlamento tambe ta responsabel pa nan declaracionnan.

E legislacion actual, cu ta proteha politiconan contra persecucion pa locual nan bisa den Parlamento, ta destina pa promove libertad di expresion y debate. Sinembargo, en bes di un plataforma pa discusion honesto y respetuoso, e inmunidad aki ta parece di ta hibando na un cultura di imprudencia y atakenan personal.

E incidente reciente den cual e Minister Presidente a acusa un miembro di Parlamento di uzo di droga, ta marca un punto abou nobo den e comportacion di nos lidernan politico. Acusacionnan asina ta serio y no por keda sin consecuencia. E tipo di comportacion aki no solamente ta mina e integridad di Parlamento, pero tambe e confiansa di publico den nos representantenan eligi.

Tin un demanda creciente pa revisa e ley cu ta duna inmunidad na politiconan den Parlamento. Publico ta exige miho norma y balornan di nan lidernan politico. Sinembargo, e ley actual ta parece di ta stroba e exigencianan aki, pasobra e ta permiti politiconan den Parlamento haci declaracionnan ofensivo y potencialmente dañino sin consecuencia.

Ta tempo pa elimina e ley aki. Miembronan di Parlamento y politiconan en general, mescos cu cualkier otro ciudadano, mester wordo teni responsabel pa nan palabra y actonan. Esaki no solamente lo eleva e nivel di debate politico, pero tambe lo restaura e confiansa di publico den Parlamento y politica na Aruba.

Ta bisto cu e grupo actual di politiconan tin dificultad pa comporta nan mes segun e norma y balornan cu ta wordo spera di nan. P'esey ta necesario pa crea cuadronan legal cu ta sigura cu tur hende den Parlamento ta comporta nan mes na un manera respetuoso y responsabel.

E asunto aki lo no ta facil pa resolve, pero e ta un paso esencial den direccion di un sistema politico mas transparente y responsabel. Ta tempo pa cambio, y e cambio ey ta cuminsa cu eliminacion di e inmunidad parlamentario manera e ta existi aworaki. Solamente e ora ey nos por spera un Gobierno y Parlamento cu realmente tin e miho interes di e pais y su ciudadanonan na pecho.



Di generacion pa generacion
Sint Maarten



Celebrando bo logro nan!
Corsou



Realizando meta nan hunto!
Aruba



Hunto nos ta gana!
Boneiro

120 YEARS ANNIVERSARY CELEBRATION
XMile
Going the XMile pa sigura bo smile!

Guardian Group
Fatum

Den un mundo caminda tur hende ta druk cu nan propio bida, nos ta traha tempo pabo.

No awe y ayera so, pero pa 120 aña caba y ainda tin mas pa bay. Nos sa cu "Live Easy" no ta asina facil. E ta rekeri planificacion, determinacion, trabou duro, y un actitud positivo. Na Guardian Group, nos ta bay e "extra mile" tur dia pa nos cliente y socio nan por biba un tiki mas tranquil. Esey ta nos forsa y compromiso na bo. Nos ta yamabo danki pa bo confianza durante 120 aña. Sin bo e logro aki lo no tabata posibel. Join nos y ban hunto e "extra mile" pa otro.

Guardian Group, ta bay e "Xmile" pa sigura bo smile!

live easy


myguardiangroup.com

Despues di tiramento na 'Rally' di Trump

Lidernan mundial ta condena violencia politico

E lidernan mundial a uni pa condena e tiroteo n'e 'rally' di Donald Trump na Pennsylvania, calificando esaki como un acto di violencia politico y deseando e ex presidente un pronto recuperacion.

Trump a revela riba rednan social cu el a wordo tira den e parti ariba di su horea drechi, cu a causa sangramento significativo. Su campaña a confirma cu e ta recuperando bon y a sali for di hospital, bolbiendo na su cas na New Jersey. Un video ta mustr'e ta baha for di un avion sin ayudo.

E Secretario General di UN, António Guterres, a califica e atake como un 'acto di violencia politico', mientras cu e canciyer Aleman, Olaf Scholz, a describi'e como 'aborrecibel', enfatizando cu tal violencia ta menasa democracia. Presidente di Francia, Emmanuel Macron, a califica e incidente como un 'tragedia pa nos democracia' y a expresa solidaridad di Francia cu e pueblo Mericano.

E Hefe di Manehonan Exterior di EU, Josep Borrell, y otro lidernan mundial tambe

a expresa nan condena. Presidente di Merca, Joe Biden, oponente di Trump den e proximo eleccion, a condena violencia politico, a expresa alivio cu Trump ta bon di salud y a urgi unidad nacional contra e actonan aki. E prome Minister Britanico, Keir Starmer, e prome Minister Hapones, Fumio Kishida, y e Presidente Ucraino, Volodymyr Zelenskiy, a haci eco di e sentimentonan aki y a enfatisa e importancia di defende balornan democratico.

Na Mosku, e vocero di Ministerio di Relacionnan Externo, Maria Zakharova, a probecha di e incidente pa critica politica Mericano, mientras cu e Prome Minister Australiano, Anthony Albanese, y e Prome Minister Canades, Justin Trudeau, a condena e atake y a clasifica e violencia politico como inaceptabel. E Prome Minister Israeli, Benjamin Netanyahu, a expresa su conmocion, y e prome Minister Hungaro, Viktor Orbán, kende recientemente a reuni cu Trump, a ofrece su oracionnan.

E Prome Minister Italiano, Giorgia Meloni, y e Prome Minister Hindu, Narendra Modi,



tambe a desea Trump un pronto recuperacion y a destaca e necesidad di dialogo riba violencia den politica. Presidente di Brasil, Luiz Inácio Lula da Silva, y Presidente di Mexico, Andrés Manuel López Obrador, a condena e atake, y López Obrador a califica esaki como 'irracional y inhumano'.

Presidente di Argentina, Javier Milei, un partidario vocal di Trump, a describi e atake como un 'intento di asesinato cobarde' y a ofrece su solidaridad.

FBI a nombra Thomas Matthew Crooks, di 20 aña, como e individuo involvi den e tiroteo. E investigacion ta continua mientras lidernan mundial ta keda firme contra violencia politico, reafirmando nan compromiso cu principionan democratico.

Southwest Reserva Awo!
southwest.com 
Ban Orlando
pa zomer vakantie! Book bo aventura pa Orlando
cu Southwest



Ucraina ta contraataca Rusia cu armanan occidental

Logrando ganashinan strategico

UCRAINA a cuminsa ataca obhetivo Ruso cu armanan Occidental, marcando un cambio significativo den e dinamica di e conflicto. E movicion aki ta sigui despues cu Merca y otro aliadonan a otorga Kyiv permiso pa uza armamento avansa. E cambio a conduci na contra-ofensivanan exitoso y un sentido nobo di vulnerabilidad den e ehercito Ruso.

Un oficial halto den e Servicio di Siguridad di Ucraina (SBU), conoci pa e nomber clave Bankir, a reporta cu e atakenan aki a tin un impacto substancial. *"Nos a destrui obhetivo paden di Rusia, cual a permiti pa varios contra-ofensivanan exitoso,"* el a bisa.

E forsa Ucrainiano a cuminsa ricibi ayudo militar Occidental den forsa completo,

incluyendo sistemanan di misil di lansamento multiple di mas largo alcance y varios tipo di artilleria. Ivan, un oficial cu e Brigada di Artilleria 148, a nota e efectividad di e armanan nobo aki den stagna e avancenan Ruso. *"Nos por mira e impacto di e ayudo tur dia,"* el a bisa.

A pesar di e ganashinan aki, Kyiv ainda no a recupera teritorionan grandi pero a preveni exitosamente e ocupacion di Kharkiv, e di dos ciudad mas grandi di Ucraina. Anteriormente, partinan di e region di Kharkiv a cay den man di forsa Ruso, resultando den brutalidad severo. E reciente ayudo Occidental y e eliminacion di restriccinnan riba ataca paden di Rusia a cambia e rumbo.

Experto di siguridad internacional Oleksiy



Melnyk a enfatisa e significado di e desaroynan aki, describiendo e potencial re-ocupacion di Kharkiv como un 'momento tragico' cu a conduci na un cambio di politica entre e aliadonan Occidental. Esaki a permiti Ucrania pa ataca posicionnan clave Ruso, incluyendo post di comando y depositonan di municion, cu sistema di misil avansa manera ATACMS.

E atakenan strategico aki a forsa Rusia pa pusha nan sistema di misil mas leu for di e liñanan frontal, proveyendo algun alivio pa Kharkiv. E dinamica di e conflicto a cambia, mustrando e rol crucial di ayudo militar Occidental den e esfuersonan di defensa di Ucraina.

TURISTA RIBA MI ISLA!

Gana tur siman



Mas di **Afl. 10.000,-**
na premio

Con pa participa?

- Recarga cu Afl.5, - of mas
- Paga online, via Pay.aw, SETAR App of Self Service Kiosk
- Cumpra un Sim Card
- Cambia pa Pick & Choose, pa Hybrid of pa Postpaid U



Denunciantenan ta acusa OpenAI di restriccionnan ilegal den NDA



DENUNCIANTENAN a acusa OpenAI di impone restriccionnan ilegal riba comunicacion di empleado- cu reguladonan di gobierno, segun un carta obteni pa The Washington Post. E carta, manda pa abogadonan representando denunciante anonimo n'e Presidente di Securities and Exchange Commission (SEC), Gary Gensler, ta pidi un investigacion den e acuerdonan di OpenAI tocante terminacion di trabou, no desprestigia, y no divulgacion.

E carta ta alega cu e acuerdonan di OpenAI a descurasha empleadonan y inversionistanan di raporta violacionnan di siguridad na SEC. E ta sigui alega cu e acuerdonan aki a forsa empleado pa renuncia nan derecho na incentivan y compensacion di denunciante y a rekeri nan pa notifica e compania prome cu comunica cu reguladonan di gobierno.

Evidencia provee na SEC ta sugeri cu e 'Non-Disclosure Agreements' (NDA) nan anterior di OpenAI a viola ley door di obliga empleadonan pa firma contractonan demasiado restrictivo como un condicion di empleo, pagonan di terminacion di trabou, y otro beneficienan financiero.

Mientras OpenAI no a responde inmediatamente na e peticionnan pa comentario, un vocero di e compania a bisa The Washington Post cu e politica di denunciante di OpenAI ta diseña pa proteha e derechonan di empleadonan pa haci divulgacionnan protegi.

E carta a wordo haci publico pa e oficina di Senador Chuck Grassley, cu copianan manda na Congreso. Grassley (R-Iowa) a enfatisa e importancia di denunciantenan den monitoria y mitiga menasa di AI, bisando cu e politica di OpenAI ta parce di tin un efecto negativo riba e derecho di empleadonan pa raporta problema y ricibi compensacion debido.

"Monitoria y mitigando e menasanan presenta pa AI ta parti di e responsabilidad constitucional di Congreso pa proteha nos siguridad nacional," Grassley a bisa den un declaracion. *"Denunciantenan lo ta esencial p'e tarea ey. E politica y practicanan di OpenAI ta parce di tin un efecto negativo riba e derecho di denunciantenan pa papia y ricibi compensacion debido pa nan divulgacionnan protegi."*

E acusacionnan ta subraya e scrutinio continuo di e practica di companianan tecnologico mientras nan ta nabega e panorama regulatorio compleho rond di desaroyo y implementacion di AI.

TARA LOUNGE
by Elements
RESTAURANT

SUNDAY BRUNCH
\$55 PER PERSON | CHAMPAGNE INCLUDED
11:30 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

SPIRITUAL

Ancra den e spirito:

Acepta e presente como sagrado

DEN nos mundo yen di stress y coremento, e esencia sagrado di bida hopi biaha ta scapa nos mientras nos ta nabega nos rutinanan diario. E carganan di lamentonan di pasado y incertidumbre di futuro ta pisa riba nos, pero ancra den e spirito ta invita nos pa conecta cu e presencia divino di e momento presente. E practica aki ta ancra nos alma den e aki y awor, invitando nos pa sumergi nos mes completamente den e coriente sagrado di bida unda tempo ta flui cu gracia.

Ancramento Spiritual ta un practica profundo cu ta yuda nos transcende stress y laga preocupacionnan mundano bay. Door di ancra den e momento divino, nos ta haya un santuario unda nos preocupacionnan ta dissolve, ofreciendo consuelo y paz. E practica aki tambe ta conduci na consciencia ilumina, lantando e velonan di ilusion y revelando e briyo di e presente. Den e estado spiertu aki, nos

ta topa e divino den cada rosea y latido di curason, fomentando un sentido profundo di conexion cu e universo.

Ademas, ancra den e spirito ta fortalece nos conexionnan sincero cu e divino y tursenan. E ta cultiva un curason expansivo cu ta irradia compasion y amor, enrikeciendo nos relacionnan y interaccionnan. E practica aki ta ilumina nos caminda cu proposito, guiando nos cu sabiduria divino y yudando nos discerni e proposito di nos alma meymey di e complehidad di bida. Como resultado, nos ta haya un sentido di direccion y claridad den nos biahe.

E beneficianan holistico di ancramento spiritual ta extenso, mehorando nos bienestar general door di alinea mente, curpa, y spirito. E practica sagrado aki ta fomenta harmonia y curacion, promoviendo un bida balansa y saludabel. Participando den meditacion di



ancramento, cultivando consciencia di rosea, y infundiendo actividadnan diario cu intencion spiritual ta pasonan practico pa brasa e practica aki. Reconoce e santidad den cada accion ta yuda nos keda ancra den e momento presente.

Den conclusion, ancra den e spirito ta invita nos pa reconecta cu nos esencia divino y e eterno awor. Door di sumergi nos mes den e presente sagrado, nos ta desvela e magnificencia di existencia, harmonisa cu e divino, y embarca riba un biahe transformativo di evolucion di alma. Tuma un momento pa ancra bo spirito, hala rosea den e santidad di e presente, y experencia e profundidad profundo di bo existencia spiritual. Bo alma lo bula den gratitud y conexion divino.

American
Airlines



**Ban Miami
pa zomer vakantie!**

Reserva Awo!

aa.com



Book bo aventura pa Miami
cu American Airlines





Final



SPAÑA VS INGLATERA

2

1



Stimami. Sterilisami.

REGISTRA AWO

Y BENEFICIA DI NOS SUBSIDIO CU TA
CUBRI TE CU 45% DI E COSTO DI
STERILISACION DI BO MASCOTA Y UN
MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM



DEPORTE

deporte@awemainta.com

Spaña campeon Euro Cup 2024

PA 3or exacto e wega final di Euro Cup a cuminsa diadomingo ultimo, caminda Spaña a enfrenta Inglatera. Spaña kende ainda tabata invicto y a subi veld como e favorito pa gana, a cuminsa di trempan ta desplega e dominio cu nan a bin ta musta riba veld. Inglatera, e sorpresa pa ta den final, debi cu nan no a hunga un nivel custuma y spera di nan. Varios ta e weganan cu a wordo gana den pito final.

Pero manera nan ta bisa, esun cu hinca gol ta gana. Y esey a hiba e 2 paisnan aki pa e wega final. Cu un dominio di posesion di mas cu 75% Spaña a domina casi henter e prome mita. Den e di dos mita Spaña ta sali brabisimo y na di 47 minuut, Nico Williams cu tambe a sali e hungado di e partido, ta hiba su ekipo ariba 1-0. Despues di esaki nan ta baha y bay hunga nan wega di wanta bala y laga e tempo core.

Inglatera a keda ataca, baha den nan mita di veld y ta haya un chens na di 73 minuut y aki ta caminda cu Cole Palmer, kende a subi riba veld na di 70 minuut, substituyendo Kobbie Mainoo.

Tur hende a prepara pa bay extra tempo, pero cu e no ta unicamente Inglatera a haci un bon cambio den e di 2 tempo. Na di 68 minuut Spaña ta cambia Alvaro Morata, e capitan di Spaña y ta hinca Mikel Oyarzabal. E mes un hungado aki, ta anota e gol di victoria y campeon pa Spaña na di 86 minuut.

Asina aki Inglatera ta bira e prome ekipo Europeo cu ta perde 2 biaha den final, 2020 contra di Italia y awo contra di Spaña. Cu e victoria aki, Spaña ta bay lidera como e unico pais cu 4 titulo di e Copa Europa (1964, 2008, 2012 y awo 2024).

Spaña tambe ta bira e prome nacion Europeo pa gana tur 7 wega durante un competicion internacional y tambe ta score un total di 15 gol, e mas door di un nacion den historia di e copa aki.

Pa loke ta premio individual, Spaña a bay cu tur. Nico Williams a keda cu Hungado mas Valioso di e partido final, su colega Lamine Yamal kende diasabra a cumpli apenas 17 aña ta sali Hungado Hubenil di e torneo mientras cu e Hungado mas Valioso di henter a torneo a bay pa Rodrigo "Rodri" Hernandez Cascante.





Wega pa di tres luga

13 Juli 2024

 **Canada 2(2) vs 2(3) Uruguay** 

Final

14 Juli 2024


 **Argentina 1 vs 0 Colombia** 




COMFORT, FOOD AND COCKTAILS





FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP






Argentina Campeon Copa America 2024

DESPUES di 1 luna intenso di wega di futbol, entre Copa America y Copa Europeo, ayera nochi nos por a presencia e ultimo partido cual tabata e final di Copa America. E partido a cuminsa mas cu 1 ora laat, debi na problema cu fanaticonan sin entrada a kibra porta y drenta e stadion. Basta comentario a lanta mes ora, puntrando di Merca ta den un posicion debido pa por t'e anfitrión di Copa Mundial 2026. Ta spera cu 2 aña ta suficiente tempo pa nan por mehora esaki.

Pa loke t'e wega mes, Colombia a sabi sigur di tin un atake basta pisa y constante den e prome tempo. Pero nada di gol. Argentina tabata haya su momento nan, algun basta facil pero tampoco ta anota e gol di bay ariba. Nan no kier unicamente retene nan titulo di campeón di Copa America pero tambe kier duna Di Maria e copa, ya cu esaki lo ta su ultimo partido den e deporte di futbol. Un otro aspecto importante ta cu tur ta di opinion cu esaki ta Lionel Messi su ultimo Copa America, aunke e mes no a anuncia esaki ainda. Pa es motibo, ora cu e la wordo saca di wega na di 66 minuut debi na un lesion na su enkel drechi. Por a nota un Messi basta emocional sinta riba banki.

Full e prome 90 minuut nan a pasa y niun gol ta cay. Contrali n'e weganan anterior, den final, si no tin un ganado, e ora ey si ta bai na tempo extra. Ta te na di 113 minuut cu Lautaro Martinez ta anota pa duna Argentina e bentaha y asina aki tambe retene nan titulo como Campeon di Copa America. Lautaro cu e gol aki ta bira e maximo goleador di e torneo cu 5 gol.

Argentina cu e victoria aki ta actual campeón nan Mundial y di continente Americano. Un bunita manera pa ambos di Maria y Lionel Messi dispidi di futbol.





Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Carlos Alcaraz ta domina Djokovic pa retene su titulo na Wimbledon

CARLOS Alcaraz a demostra su poder den un victoria riba Novak Djokovic, reteniendo su titulo di Wimbledon den e categoria di single masculino cu un score di 6-2, 6-2, 7-6 (7-4). E partido aki, un repeticion di e final di aña pasa, no tabata mesun dramatico cu e bataya di cinco set di diesdos luna pasa, ya cu Djokovic a lucha contra e Spaño dominante.

Apesar di a enfrenta nervionan den e ultimo momentonan y a desperdicia tres punto di campeonato mientras tabata purba di sirbi pa e victoria, Alcaraz a recupera su compostura pa gana den e tie-break di e di tres set. Despues di a bringa, Alcaraz a celebra su triunfo, bisando, *"Honestamente, ta un sueño pa mi gana e trofeo aki. Mi a haci un entrevista tempo mi tabatin 11 aña y mi a bisa cu mi sueño tabata pa gana Wimbledon."*

Djokovic, gracioso den su derota, a comparti un sonrisa y un brasa caluroso cu Alcaraz na net. Pa e di dos aña consecutivo, Djokovic a purba di iguala e record di ocho titulo di Wimbledon den e categoria masculino di Roger Federer. E ganado di 24 titulo major tambe tabata buscando pa surpasa e record di Margaret Court pa e mayoria titulo di Grand Slam den single.

E victoria di Alcaraz a marca su di 14 victoria consecutivo na Wimbledon, manteniendo su record di 100% den finalnan di Grand Slam. E triunfo aki ta haci'e e homber mas jong pa gana tanto e titulo di Wimbledon como e French Open den e mesun aña. Alcaraz a uni su mes na un grupo selecto di

seis hungado cu a logra e "Channel Slam" aki.

Durante su carera cortico pero remarcabel, Alcaraz a gana titulonnan major na un ritmo cu poco hungado di 21 aña a logra. Cu su victoria na Wimbledon, Alcaraz awo a gana cuatro titulo major, uniendo su mes na Roger Federer como e unico hombernan pa gana nan prome cuatro finalnan di Grand Slam.

E caminda di Djokovic pa e final tabata notabel, specialmente considerando su lesion di meniscus durante e French Open, cu a rekeri cirugia. A pesar di esaki, e hungado di 37 aña a yega e final sin enfrenta ningun top 10 oponente, ya cu e di nueve seed, Alex de Minaur, a retira prome cu nan partido di kwart final. Sinembargo, e falta di competencia di nivel halto a laga Djokovic sin preparacion pa e excelencia di Alcaraz.

Un aña pasa, Alcaraz a demostra su forza mental y nervio den un victoria di cinco set contra Djokovic pa gana su prome titulo di Wimbledon. E aña aki, e secuela a sugeri un otro bataya largo mientras Alcaraz a lucha den un prome wega di 13 minuut contra Djokovic, kibrando sirbishi inmediatamente.

E estilo di wega agresivo y adaptabilidad di Alcaraz tabata evidente durante henter e partido. El a purba constantemente di tuma e prome atake, mientras Djokovic a purba di recorta e puntonan door di acerca e net trempa y emplea tactica di sirbi-y-volley. Alcaraz a contraresta e intentonan aki facilmente, estableciendo un dominio den e wega.



Aunke Djokovic a sirbi bon y a aplica presion, e atakenan incansabel di Alcaraz, particularmente dirigi riba e skina di forehand di Djokovic, a resulta decisivo. Incluso ora Djokovic tabata perdiendo pa dos set, el a sigui busca solucionnan. No tabata te ora Alcaraz a yega 5-4, 40-0 cu triple championship point cu el a faya brevemente, perdiendo tironan clave despues di un distraccion di un espectador.

A pesar di e contratiempo aki, Alcaraz no a drenta panico. El a forza un tiebreak y a hunga un drop shot briyante como ganado na 5-4, cerando e partido den un final emocionante. E victoria aki a solidifica e status di Alcaraz como un forza formidabel den tennis, y el a celebra cu su team y famia, reflexionando riba su ascenso rapido y potencial futuro.

Mirando padilanti, Alcaraz tabata spera un dia di celebracion dobel Spaño cu e team nacional di futbol enfrentando Inglatera den e final di Euro 2024, marcando un posibel momento historico pa deporte Spaño.

Petición pa prohibición

Hungado di Volleyball Hulandes condena di participa na Weganan Olimpico

ORGANISACIONNAN internacional di sosten pa victimanan ta urgi Comité Olimpico pa prohibi e hungado Hulandes di Beach Volleyball, Steven van de Velde, di participa n'e Weganan Olimpico pa motibo di su condena di pasado como delincuente sexual.

Van De Velde, awor 29 aña, a ser condena na 2014 despues di a biaha pa Inglatera pa tin relacion sexual cu un mucha muhe di 12 aña cu el a conoce riba Facebook. E tabata consciente di su edad na e momento ey. Condena na cuater aña pa un corte Ingles, el a pasa 13 luna den un prizon Hulandes, ya cu ley Hulandes a clasifica su delito como “actonan indecente”, cu ta haya un castigo menor.

Den un comunicado cita pa e revista ‘Trouw’, organisacionnan manera Sport & Rights Alliance, Kyniska Advocacy y Army of Survivors a enfatisa cu, mientras cu nan ta apoya deporte como medio di rehabilitacion, e Weganan Olimpico no ta e luga apropiada pa tal personanan. *“No tin luga pa violadonan condena den e weganan”*, e comunicado a bisa.

E organizacion deportivo Hulandes NOC * NSF a defende Van de Velde, describi como un “deportista cualifica cu ta cumpli cu tur condicion pa bay Paris.”

A menciona cu nan tabata trahando riba un plan pa sigura cu e lo ta den un situacion manehabel durante e weganan. E sindicato di volleyball ‘Nevobo’ tambe a apoya Van de Velde, afirmando cu el a completa su sentencia y cu expertonan ta kere cu e no ta representa ningun riesgo di reincidencia.

Van De Velde a reconoce e controversia, bisando den un entrevista cu Volleyball.nl, “Mi ta compronde cu den e periodo prome cu e evento deportivo mas grandi na mundo, esaki lo atrae atencion di medionan internacional.”

Mientras e debate ta sigui, ta keda e pregunta si e participacion di Van De Velde den e Weganan Olimpico ta alinia cu e balornan y integridad di e prestigioso evento internacional.



Elements
RESTAURANT

We Are HIRING

Join Our Award-Winning Team
#21 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ HOST/HOSTESS (AM/PM)
- ✓ BARTENDER
- ✓ BEACH ATTENDANT
- ✓ FRONT OFFICE SUPERVISOR
- ✓ CONCIERGE/FRONT DESK AGENT
- ✓ HOUSEKEEPING SUPERVISOR
- ✓ ROOM ATTENDANT
- ✓ HOUSEMAN
- ✓ SUSTAINABILITY MANAGER
- ✓ SALES & MARKETING DIRECTOR
- ✓ HR COORDINATOR

BENEFITS

ATTRACTIVE SALARIES
WITH VARIOUS BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS AT TARA ECO,
A MAJOR LOCAL SUPERMARKET AND GARAGE

APPLY ONLINE AT: WWW.BUCUTI.COM/CAREERS



Cu bista riba titulo di UFC

Rose Namajunas a domina Tracy Cortez



ROSE Namajunas a muestra su habilidad den ‘striking and grappling’ pa sigura un victoria unanime riba Tracy Cortez den e evento principal di UFC Fight Night na Ball Arena den Denver. E ex-campeon dos biaha den peso ‘strawweight’, awor clasifica No. 6 den peso ‘flyweight’, a domina dilanti su publico local, ganando cu puntuaje di 49-46, 49-46, y 48-47.

Namajunas (14-6 MMA, 11-5 UFC) a controla e prome ronda cu golpinan superior, uzando ‘jabnan’ preciso y man drechi poderoso. Un ‘hook’ robes a tumba Cortez abou, pero Namajunas a scoge pa mantene e pelea para.

Cortez (11-2 MMA, 5-1 UFC), kende a drenta den e pelea riba aviso cortico, a lucha pa iguala e ritmo y habilidad tecnico di Namajunas.

Den e di dos rond, Cortez a purba ahusta, pero e ‘takedown’ laat di Namajunas a marca e tono pa e resto di e pelea. E lucha di Namajunas a domina e rondnan di meymey, mustrando su control riba tera y defensa den lucha. E intencionan di Cortez pa contraresta a wordo stroba, y Namajunas a mantene control.

Den e ultimo rondnan, Namajunas a sigui demostra su versatilidad, combinando lucha ofensivo cu su experticio den golpi. Cortez, clasifica No. 11, a enfrenta su prome derota desde 2017, resaltando e diferencia entre e y e bringadonan elite den e division.

Despues di e pelea, Namajunas a expresa su deseo pa un oportunidad pa titulo, bisando, *“Ami ta e prome champion di UFC di Colorado, pues mi kier trece e faha ey cas. Sea esey of un pelea pa titulo BMF femenino.”*

Cu e champion di peso mosca Alexa Grasso cla pa enfrenta Valentina Shevchenko y Manon Fiorot probablemente siguiente den liña, Namajunas lo mester di un of dos pelea mas prome cu un oportunidad pa titulo. Sinembargo, su actuacionnan reciente ta sugeri cu e ta riba e caminda pa reclama status di champion den su division nobo.

Reserva Awo!

avianca.com

Ban Latino America!

Y bishita Colombia, Argentina, Chile y Peru

CUMINSANDO NA

US\$100

pa Round Trip

Den un final emocionante contra Jasmine Paolini

Barbora Krejčíková a gana su prome titulo di Wimbledon



BARBORA Krejčíková a sigura su prome titulo di Wimbledon diasabra, derotando Jasmine Paolini di Italia 6-2, 2-6, 6-4 den un final emocionante. E victoria aki ta marca e di dos titulo di grand slam di Krejčíková, superando un temporada difícil cu tabata yena cu lesionnan y un caída den ranking.

Krejčíková a domina e prome set, uzando su groundstrokenan poderoso pa mantene Paolini den defensiva. Sin embargo, Paolini, den su di dos final consecutivo di grand slam, a logra un comeback fuerte den e di dos set, uzando su agilidad y wega ofensivo pa cambia e momentum di e partido. Ela kibra e servicio di Krejčíková trempa y a score pa un bentaha di 3-0, eventualmente ganando e set 6-2.

E set final tabata intensamente disputa, cu ambos hungado mustrandando un wega cauteloso pero strategico. Na 3-3, Krejčíková a kibra e servicio di Paolini y a tuma e liderazgo. Sirbiendo pa e campeonato, el a enfrenta un Paolini resistente, kende a salba dos punto di campeonato prome cu Krejčíková a sigura e victoria riba su di tres intento.

Celebracionnan emocional a sigui mientras Krejčíková, yen di alegria, a comparti su triunfo cu su team y e multitud na Centre Court. Den su entrevista riba cancha, ela expresa su incredulidad y felicidad, yamando esaki “e miho dia” di su bida. El a rindi tributo tambe na su coach fayeci, Jana Novotná, kende a gana Wimbledon na 1998 y a inspira Krejčíková pa sigui tennis profesional.

Paolini, kende a marca historia como e prome muhe Italiano pa yega un final di Wimbledon, a elogia e actuacion di Krejčíková y a refleha riba su propio logro a pesar di e perdida. “Pa wak e stadion aki yen, ta un soño cu a bira

realidad,” el a bisa, recordando su admiracion di infancia pa e deporte.

E victoria di Krejčíková na Wimbledon no solamente ta marca un logro personal, pero tambe ta honra e legado di su mentor, demostrando su resistencia y determinacion riba un di e scenarionan mas grandi di tennis.

A composite advertisement for 'TOD-MAR'. The top section is split into 'APPAREL' (showing sunglasses, a red cap, and a blue shirt) and 'BOAT ACCESSORIES' (showing various boat equipment). The bottom section is split into 'FISHING TACKLE' (showing fishing reels and rods) and 'FIBERGLASS PRODUCTS' (showing various containers of fiberglass materials). The 'TOD-MAR' logo is prominently displayed in the center. Social media handles and a phone number are listed at the bottom.

GAMING

COI ta Anuncia Wega Olimpico di Esports na Saudi Arabia

E Comité Olimpico Internacional (COI) hunto cu Comité Olimpico Nacional di Saudi Arabia pa host e prome Wega Olimpico di Esports na 2025. E evento aki lo ta un paso significativo den e envolvimento di COI cu esports.

E alianza cu Saudi Arabia lo dura 12 aña, cu Wega Olimpico di Esports regular. Presidente di COI Thomas Bach a resalta e experiencia di Saudi Arabia den esports y a enfatisa e importancia di balornan Olimpico, igualdad di genero, y envolvimento di hubentud den e colaboracion aki.

Ministro di Deporte di Saudi Arabia, HRH Prins Abdulaziz bin Turki Al Faisal, a



Beauty Bar
by Jen

+297 730 1486
SABANA BLANCO 40
ORANJESTAD, ARUBA



Beauty Bar
P.M.U &
LASH ARTIST **By JEN**

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen
  beautybar_byjen



expresa hopi excitacion tocante host e evento, mirando esaki como un honor y un capitulo nobo den historia Olimpico. E ta compromete na un evento cu ta respeta balornan Olimpico y impulsa esports padilanti.

E anuncio ta alcanza cu Vision 2030 di Saudi Arabia, cu a mira crecemento significativo den participacion y eventonan di deporte for di 2018. E Reino a host mas cu 100 eventonan internacional di deporte y a aumenta participacion den deporte te na casi 50% di e poblacion. Princesa Reema Bandar Al-Saud, un Miembro di COI, a lanta e participacion creciente di muhe den esports y e impacto positivo di deporte pa muhe y mucha muhe na Saudi Arabia.

Siguiendo e anuncio aki, COI lo traha riba selecta un Ciudad, luga, tempo di evento, titulo di wega, y e proceso di cualificacion p'e Wega Olimpico di Esports. COI lo colabora cu federacionnan internacional y Comitenan Olimpico Nacional cu ta involvi den esports y crea un estructura dedica pa organisa e evento aki.

Eric Ras(Curpa):

Partido Curpa no lo permiti pa norma y balornan cristian bay perdi

E votacion cu a tuma luga den Parlamento p'e matrimonio di mesun sexo tabata un wega politico cu a sali Aruba caro. Parlamento no kier a vota contra ni aproba e ley aki sino a laga hues sinta riba stoel di Parlamento.

Segun informacion cu nos di partido CURPA a ricibi nos por corda cu parlamentarionan di partido MEP a wordo instrui con pa vota riba e ley di matrimonio di mesun sexo p'esey e resultado. Segun un periodista partido MEP y AVP a brasa otro p'e ley aki no pasa y no wordo aproba. Si Parlamento a vota contra di e ley aki hues lo no por a sinta riba stoel parlamento. Pakico partido Curpa ta bisa esaki? Nos e lucha no a cuminsa for di awor.

Nos lucha a cuminsa prome cu e Amieda 7 cu ta encera geregistreerd partnerschap a bira realidad dia 8 di september 2016. Esaki no ta coincidencia paso na september 2015 gobierno bao signatura di partido AVP a bay di acuerdo cu e 17 puntonan di e agenda 2030 Sustainable Development Goals.

Kico t'e beneficio cu e cambio di ley aki esta di matrimonio di mesun sexo lo trece pa Aruba? Aruba su unico Pilar economico lo sigui florece of nos lo cuminsa perde nos bishitantenan for di Merca cu gran mayoria ta contra di e agenda aki. Walt Disney, Target, y Budlight a sufri un daño biyonario te cu e dia di awe. Pronto lo tende cu nan lo ta bancarota.

Si na 2 ocasion esta na september 2017 y juni 2021 pastoornan no a dividi e pueblo cristian pa vota pa nan color politico cu ta partido MEP y partido AVP, awe partido Curpa lo tabata den Parlamento cu mas cu 2 asiento.

Gobierno no tabata tin e boluntad pa bin cu un referendum pa determina si e pueblo ta bay di acuerdo cu e condicionnan stipula den e Sustainable Development Goals. Parlamento cu supuesto cristiannan a permiti e Prome Minister mara su pais n'e agenda 2030 y mas ainda cu nan tabata na altura e strategia cu nan partido lo uza durante di votacion riba e matrimonio di mesun sexo.

E ley aki no ta keda te akinan paso den e 17 punto di Sustainable Development Goals bao punto 4 enseñansa di calidad ta bay atras y ta bruha cerebro nos criaturanan cu educacion sexual. E enseñansa di generoso a drenta scolnan caba na Europa.

Mira cuanto letter e grupo aki tin y asina nan lo sigui pa legalisa cada letter di e grupo di alfabet. Pakico na Italia a para e ley aki? Esaki t'e agenda diabolico cu nos gobierno ta aden y cu tin supuesto cristiannan ta sostene. Un agenda anti cristian.

E unico partido cu for di principio a para pa norma y balor ta partido Curpa. Nos a drenta e aña di eleccion y nos sa cu pueblo ta rabia cu partidonan grandi. Nan ta kere cu nan t'e unico Coca-Cola den desierto. Tanto partido MEP y partido AVP ta gaba cu nan tin solucion pa tur problema. Nan unico solucion ta hinca Aruba den debe cu yen di medida riba lomba di pueblo. Esaki nos ta yama amor pa nos Aruba dushi tera?

Aruba tin un Dios su ta stima hende pero Dios no ta stima hende su pica. Nos por scapa for di e huicio terrenal pero for di e huicio di Dios nos ningun lo scapa. Esaki t'e tempo di Dios y no di politiconan cu tin 2 cara. Dios su tempo ta perfecto. Partido Curpa ta kere cu mester bay corte Europeo paso eyan tin un sentencia cu ta bisa e no ta un discriminacion. Partido Curpa ta dispuesto di ruim op de boel. Unico partido Curpa cu leynan di Dios ta sagrado y no ta negociabel. Partido Curpa e unico alternativa.

Reserva Awo!
spirit.com

Ban Fort Lauderdale pa zomer vakantie!

Book bo aventura pa Fort Lauderdale cu Spirit

AUA
ARUBA AIRPORT AUTHORITY

Dennerich Kelly (AVP):

Mester caba cu tur otro desigualdad awor cu Hulanda a impone riba nos norma y balornan

HOBEN politico di AVP Dennerich Kelly tabata na Den Haag den Hoge Raad ora e sentencia a cay pa forsa Aruba habri matrimonio entre pareha di mesun sexo. Segun Kelly ta momento pa nos bolbe sinta reflexiona kico esaki kiermen pa nos comunidad. *“E lucha di un grupo den comunidad cu ta sinti nan mes discrimina y banda di esaki despues cu pueblo por a wak cu den parlamento, e politiconan no a logra yega na un decision pa regla cierto aspectonan cu e grupo aki tabata bogando p’e”* asina Dennerich Kelly a expresa su desapunto rib’e tema aki.

Kelly ta di opinion cu e situacion no mester a yega asina leu y cu mester a busca un forma mas madura y menos hostil pa regla e derechonan cu tabata falta den nos mes cas, esta parlamento asina respetando Fe y creencia religioso di un gran mayoria di nos isla. *“Nos ta boga pa ta baas den nos mes cas y pa falta di madurez politico, awe nos ta haya cu Hoge Raad, kende no ta escogi pa representa nos pueblo, awo ta dicidi pa nos.”* e hoben politico a subraya catalogando e arrest di Hoge Raad como un “gemiste kans”

E ta haya cu a yega ora pa Reino Hulandes combati tur desigualdad cu ta existi den Reino, awor t’e momento pa un era di hoben politico boga pa elimina desigualdad den enseñansa, cuido medico y caba cu pobreza riba nos islanan. Na final tur ciudadano den Reino Hulandes merece mesun calidad di bida sin importa unda nan ta biba den reino. *“Tin un linea hopi fini pa encamina ora ta trato caso pa cu topico controversial asina aki y berdad bo por sinti cu bo*



ta discrimina, y esaki ta di compronde. Pero e ta keda unabes mas n’e representantenan di pueblo pa yega na otro y bin cu un solucion den cas” Kelly cu ta futuro candidato riba lista di AVP a vocifera dilanti Hoge Raad na Den Haag.

Segun Dennerich Kelly e matrimonio entre homber y muhe ta un principio pa un comunidad nace y sobrevivi cual ta institui ya desde comienzo di mundo crea door di Dios. For di un matrimonio ta nace un famia cual t’e fundeshi di bida y educacion pa un comunidad duradero. No ta descarta cu persona nan den e comunidad, tur lo ta mescos y cu tur lo tin e mesun preferencia sexual. Na e momento ey bo ta haya un kiebro di comportacion humano cu lo mester contribui na mantene e comunidad y tambe humanidad su existencia. E kiebro aki no mester uz’e pa bringa otro pero hustamente por uz’e aspecto pa respeta y trata otro na bon forma pa yuda otro. Esey lo bin di amor, un amor fundamental cu nos cada un tin den nos inculca door di nos mayornan y basa rib’e mandamento di Dios: Stima bo prohimo manera bo mes.

Dennerich Kelly ta un hoben politico cu pronto lo subi lista di Partido di Pueblo Arubano (AVP). E ta un profesional den cuido medico, gradua na Hulanda den enfermeria. Cu algo mas di un decada den experiencia a labora na entre otro dr. Horacio Oduber Hospital, ImSan y actualmente como Praktijkondersteuner Huisartsenzorg (POH), Dennerich a sinti e yamada pa trece un cambio den politica na Aruba. E ta sinti cu nos generacion ta biba den un era transcendental unda no por djis para wak pero tin cu actua awo pa sigura un miho futuro y provenir p’e generacionnan siguiente.

Reserva Awo!

avianca
the sky belongs to all of us

avianca.com

Ban Medellin!

Tur Dialuna,
Diaranson, Diabierna
y Diadomingo

CUMINSANDO NA
US\$100
pa Round Trip

AUA
ARUBA AIRPORT AUTHORITY

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :


- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**



HOROSCOPO

Di Siman

Aries (21 di Maart - 19 di April):

E siman aki, Aries, bo ta sinti un fluho di creatividad y inspiracion. Dirigi e energia aki pa bo proyectonan y meta personal. Confia den bo intuicion na momento di tuma decisionnan, specialmente den asuntonan di curason. Tuma tempo pa cuida personal y relacion pa mantene balansa.

Tauro (20 di April - 20 di Mei):

Tauro, e siman aki ta enfatisa riba bo relacionnan, tanto personal como profesional. Comunicacion lo ta esencial pa resolve cualke malentendido. Contrata riba diplomacia y compromiso pa reforsa e vinculonnan. Tuma un enfoque practico den asuntonan financiero pa estabilidad.

Geminis (21 di Mei - 20 di Juni):

Geminis, bo ta den un periodo di crecimiento personal y descubrimiento di bo mes. Explora interes nobo y amplia bo conocimiento. Expresa bo mes creativamente y comparti bo ideanan cu otro. Keda habri na pensamiento y adaptabel pa nabega cambionan efectivamente.

Cancer (21 di Juni - 22 di Juli):

Cancer, duna prioridad na bo bienestar e siman aki. Tene atencion na bo salud fisico y necesidadnan emocional. Nutri bo mes cu habito positivo y rutinan di cuida personal. Conecta profundamente cu esnan kerida pa sosten emocional. Confia den bo instintonan pa tuma decisionnan importante.

Leo (23 di Juli - 22 di Augustus):

Leo, bo confiansa ta briya fuerte e siman aki. Uza bo carisma y habilidad di liderazgo pa avansa den bo carera of ambicionnan

personal. Tuma iniciativa den proyectonan creativo y colaboracion. Keda funda y mantene un balansa salud entre trabou y bida personal.

Virgo (23 di Augustus - 22 di September):

Virgo, enfoca riba asuntonan di cas y familiar e siman aki. Crea un ambiente armonioso tratando cualkier problema domestico cu calma. Nutri bo relacionnan cu esnan kerida pa medio di comunicacion habri y empática. Busca tempo pa cuida personal pa regarga bo energia.

Libra (23 di September - 22 di October):

Libra, comunicacion ta t'e 'highlight' e siman aki. Expresa bo mes claramente y asertivamente den combersacionnan. Busca balansa den bo relacionnan dor di scucha atentamente y busca terreno comun. Keda organisa y practico pa logra bo meta.

Scorpio (23 di October - 21 di November):

Scorpio, oportunidadnan financiero por surgi e siman aki. Tuma un enfoque strategia pa maneha bo recursonan sabiamente. Confia den bo instintonan ora di haci inversion of compranan mayor. Enfoca riba estabilidad y siguridat a largo plaso den bo decisionnan financiero.

Sagitario (22 di November - 21 di December):

Sagitario, brasa aventura y exploracion e siman aki. Amplia bo horizonte dor di siñamento of biahe. Expandi perspectivanan nobo y busca estimulacion intelectual. Keda optimista y adaptabel pa nabega cambionan y oportunidadnan.

Capricornio (22 di December - 19 di Januari):

Capricornio, duna prioridad na bo bienestar personal y cuida personal e siman aki. Establece limite claro pa proteha bo tempo y energia. Conecta cu bo meta y tuma pasonan practico pa logra exito a largo plaso. Refleha riba bo meta y tuma decisionnan cu practicalidad.

Acuario (20 di Januari - 18 di Februari):

Acuario, enfoca riba nutricion di bo relacionnan e siman aki. Reforsa vinculo emocional cu esnan kerida dor di combersacionnan significante y actonan di bondad. Expandi bo individualidad y expresa bo perspectiva unico cu confiansa.

Piscis (19 di Februari - 20 di Maart):

Piscis, uza bo intuicion y creatividad e siman aki. Confia den bo guia interior ora di tuma decision. Sumergi profundamente den creatividad artistico of buskeda spiritual cu ta inspira bo. Tuma tempo pa conecta cu bo mes interno pa claridad y pas.



Relacionnan Saludabel vs. Relacionnan Toxico:

Reconoce señalnan di alarma y cultiva cualidadnan positivo

RELACIONNAN tin un impacto significante riba nos bienestar emocional y mental. Aunke tur relacion ta enfrenta retonan, distingui entre dinamica saludabel y toxico ta crucial pa mantene un conexion di apoyo y cuido. Reconociendo señalnan di alarma y comprendiendo e cualidadnan di un relacion saludabel por preveni angustia emocional y fomenta un relacion satisfactorio.

Señalnan di alarma den un relacion ta sirbi como señalnan di alerta trempan di toxicidad potencial. Falta di confiansa ta un señal di alarma mayor, manifestando hopi biaha como sospecho y jaloezie constante. Comportacion di control, unda un partner ta purba domina aspectonan di e bida di e otro, ta mina independencia y balor propio.

Adicionalmente, isolacion for di amigonan y famia, falta di respet persistente, y critica por erosiona autoestima y crea un dependencia no saludabel. Abuso emocional of fisico y gaslighting, unda un partner ta manipula e percepcion di realidad di e otro, ta indicadornan severo di un relacion toxico.

Contrario, relacionnan saludabel ta construi riba respet mutuo, confiansa, y apoyo. Parehanan ta balora e opinion y limitenan di otro, fomentando un ambiente di respet y aprecio. Confiansa y honestidad ta fundamental, cu ambos persona siendo transparente y berdadero. Comunicacion habri ta permiti pa expresion liber di pensamiento y sentimentonan, esencial pa resolve conflictonan y comprende otro.

Apoyo y encurashamento tambe ta cualidadnan clave, como cu pareha ta yuda otro logra nan metanan y provee consuelo durante temponan dificil.

Igualdad y husticia ta caracteristicanan di un relacion balansa, cu ambos partner compartiendo responsabilidad y tumando decisionnan hunto. Mantene independencia tambe ta importante; parehanan ta respeta e necesidad di otro pa espacio personal y interesnan individual. Resolucion di conflicto saludabel ta encera atende desacuerdonan constructivamente y yega na compromisonan sin recorri na rabia of rencor. Afecto y intimidacion, tanto fisico como emocional, ta fortalece e laso y fomenta cercania.

Comprendiendo e diferencia entre patronchinan di relacion saludabel y toxico ta vital pa cultiva un partnership amoroso y di apoyo. Reconociendo señalnan di alarma trempan por yuda evita angustia emocional y daño a largo plaso.



Brasando e cualidadnan positivo di un relacion saludabel ta sigura un conexion mas satisfactorio, mehorando bienestar y felicidad general.

Priorisa respet mutuo, confiansa, y comunicacion habri ta esencial pa construi un relacion cu ta enriquece bo bida. Door di fomenta e cualidadnan positivo aki y keda vigilante pa señalnan di alarma, bo por crea un ambiente di cuido y apoyo unda ambos partner ta prospera.



One Happy Island Lions Club a bishita Cas Paraiso



RECIENTEMENTE miembronan di One Happy Island Lions Club a bishita Cas pa nos grandinan, Cas Paraiso na Catashi, Santa Cruz. Nos a wordo acompaña pa Friends of Lions, Magaly, Eddy y Solange cu a yuda duna mayoria di e 30 grandinan un massage di man. Tambe algun a ricibi un corte de cabey for di boluntario y friends of Lions Sra. Petra Garcia. Danki pa e apoyo brinda na nos club pero vooral na tur e habitantenan di Cas Paraiso.

Tur habitante tambe a ricibi un dushi snackbox, coy bebe saludabel y refrescante y un dushi jello dessert.

Grupo di baile Dabaruida a duna un tremendo show di baile y trece tur hende den dushi ambiente.

Un danki masha grandi na Aruba Aloe Balm cu a haci donacion di hand y body lotions pa tur habitante di Cas Paraiso. Un gesto masha aprecia door di nos grandinan.

Danki na pueblo di Aruba cu ta bin ta cooperando na tur evento di recaudacion di fondo di nos club cu ta haci, cu nos por sigui duna servicio boluntario na nos comunidad.



Graduacion di Colegio Muchila Creativo na Violet Center for the Arts



COLEGIO Muchila Creativo a organisa recientemente, dia 4 di Juli, graduacion di 3 studiantenan na Violet Center. Colegio Muchila Creativo ta un scol secundario pa studiantenan neuro diverso entre 15 pa 29 aña.

Un gran cantidad di persona: mayor-, familiar-, conocir-, invitado- y docentenan a bin hunto pa celebra e graduacion 2024 di e studiantenan di Colegio Muchila Creativo. Tur estudiante a ricibi durante e anochi nan rapport. Na comienso di e anochi cabe-sante Rose-Marie Provence a duna un splicacion ken Muchila Creativo ta y cua proyectonan e Fudacion a ehecuta durante nan 21 aña di existencia. Despues di e apertura a sigui cu e parti oficial na unda Johanny Ballester Zapata, Chloe Cicilia y Benjamin Wever a ricibi nan certificado y un certificado di Arte.

Despues di e parti oficial di graduacion a continua cu e entrega di e rapportnan di cada aña pa cada estudiante. Colegio Muchila Creativo ta consisti di 3 aña. Banda di e estudio di 3 aña tin un “speciaal traject” y un “Leerwerk Traject”, pa prepara esnan cu a finalisa cu nan estudio pa trabou den comunidad. Den e sala di exposicion di Violet Center publico presente por a observa un bunita exposicion di tur e pinturanan cu e studiantenan a traha bou guia di nan docente Rudberth Wolff.

Siguientemente despues di e parti oficial, tur estudiante a presenta e Musical “Transformacion” na publico presente. Autor y director di e mini Musical ta Emerita Emerencia, compositor musical Jane Lanooij, Pearl Dumfries directora musical y coreografo Sabrina Salas. Door cu e teatro tawata ful yen, mester a presenta e musical dos biaha tras di otro den e teatro di Violet Center for the Arts.

Nan final tur esnan presente por a savoria di un dushi dinner. Mayornan, famia y publico presente tawata hopi satisfecho di e anochi exitoso.

Muchila Creativo kier gradici nos sponsornan: Superfood Care Program y Cede Aruba pa nan colaboracion.

Ademas Muchila Creativo ta gradici Taste My Aruba, The Old Cunucu House, y Elite Productions pa nan cooperacion na nos evento di graduacion. Muchila Creativo kier gradici tambe tur docentenan, DJ Mike Petronia y tur esnan cu a coopera na e exito di e anochi. Masha danki di curason!

Shurman C. Milliard

Soledad den nos comunidad

SHURMAN C. Milliard-Social Worker Aruba; Mundialmente den sociedadnan grandi y prospero nos ta mira e fenomeno soledad. Den metropolinan manera New York, Tokyo, Paris y Madrid, e cifranan halto di suicidio ta wordo relata n'e problema di soledad. Otro sintomanan ta depresion, automutilacion y abuso di droga cu ta hiba na adiccion.

Si nos wak na Aruba mes nos ta wak e crecimiento di soledad den e diferente gruponan di edad. Di hobennan, hobennan adulto, adulto te cu ancianonan ta sufri di soledad ariba nos One Happy Island Aruba. Door di investiga cada grupo di edad nos por mira un liña continuo.

Ta logico cu cada caso no ta mescos y cu cada solucion no tur ora tin e mesun resultado, pero door di analisa esakinan lo por anticipa miho ariba e posibilidad. Hopi sufrimento por wordo supera ora nos sa kico e posibilidad ta y con pa aplica nan. Actuando preventivo, nos por spaar comunidad hopi placa tambe.

Ta importante si pa tene na cuenta cu desaroyonan, sea positivo of negativo, por wordo influencia door di un estado social solamente si tin colaboracion entre tur departamento y fundacionnan. Cada situacion tin un punto di salida y un resultado, y esaki ta encera e tereno social completo. Esaki ta nifica cu ta solamente hunto por busca un solucion.

Na Aruba tin 18937 personanan entre e edad di 5 y 19 aña (fuente CBS 2023). Den e grupo aki tambe tin individuanan cu ta sufri di soledad. Soledad no kiermen ta fisicamente bo so. E problema ta mas ora tin e sentimiento di falta pa forma un relacion emocional c'un otro persona. Falta lasonan emocional.



Como un hoben bo ta ocupa cu bo mes, purbando pa forma bo personalidad. Bo cerebro ta den desaroyo cual ta haci cu bo emocionnan no a haya nan luga ainda. Pa combina esaki cu otro personanan di e mesun edad cu tambe ta pasando den e mesun situacion por ta dificil. E warwaru interno por influencia esaki. Toch tin mucha cu ta cera amistad mas lihe cu otro mucha.

Ora e mucha wordo marca door di profesionalnan, esaki ta desastroso p'e desaroyo emocional di e mucha. E ora ey e mucha ta busca "solucionnan" den su mundo di sentimentonan natural cu ta haci e trayectoria normal dificil. E gevoel di ta "otro" ta bini dilanti. Hobennan por exclui nan mes for di nan ambiente social door di busca nan refugio den e mundo di tecnologia.

Internet ta ofrece masha hopi posibilidad pa entretenimento, cual por tapa soledad pa hopi tempo. Contactonan cu ta wordo estableci via internet ta carece di contacto fisico y mental. E falta di e dos tipo di contacto aki tambe por produci e problema di soledad. Hopi biaha ta pensa cu door cu mucha/hoben ta bay scol cu semper nan ta

bin den contacto cu otro persona. Lastimamente e sentimiento di ta bo so den un grupo di hende por ta mas doloroso y dañino pa bo salud emocional cu ta bo so fisicamente. Pa por pertenece na un grupo nan ta cambia e norma y balornan cu nan a ricibi na cas. Nan ta bai asina leu cu nan ta haci cosnan cu ta dañino pa nan salud.

Boulimia y anorexia hopi biaha ta sosode den e edad di "teenager" pero por sigui te den adolescencia. Na momento cu no logra dentro den e grupo di su edad, aunke el a laga su autoestima los, soledad ta haci e daño di mas grandi.

Na Aruba e grupo entre 20 y 75 aña ta consisti di 76302 persona cu ta un grupo grandi cu ta hopi diverso. Un persona di 23 aña ta hopi diferente den su desaroyo emocional c'un persona di 71 aña. Asina mes ta spera madurez di ambos, cual ta logico den un sociedad prospero. Pero pa un participante den e sociedad esaki ta causa hopi stress door di e tur e responsabilidad cu bida ta trece cu ne. Presion di trabou of expectativanan di bo circulo por haci bo perde curashi.

Personanan den e edadnan aki hopi biaha ta uza salimento of participacion den actividadnan cultural pa sali for di soledad. Esaki por ta hopi positivo si resulta cu e personanan cu bo topa den e salimento tin e mesun interesnan cu bo mes tin. Tambe ta mas facil pa conecta cu otro hende fisicamente of verbalmente durante un baile of ora di come of bebe algo hunto. Pero pa un persona timido e paso aki pa bay e tipo di luganan di fiesta asina por ta hopi grandi. Y sali bay na un di e luganan aki bo so hopi biaha ta wordo mira manera algo straño.

Na bo luga di trabou tambe ta un oportunidad pa haci contacto. Akinan al fin y al cabo bo ta topa hende diariamente. Durante e luna y añanan bo por siña conoce e otro hendenan mas miho for di cual relacionnan mas personal por crece. Nos ta mira cu relacionnan entre colega por ta hopi bunita pero ora un relacion kibra e problema grandi por ta cu diariamente bo lo mester topa e ex-enamorado(a) aki na pia di trabou. Door di esaki dunadonan di trabou ta hopi dudoso di e tipo di relacionnan aki.

E composicion di bo famia of juist e falta di un famia ta trece hopi desapunto den e expectativa di bida. Na Aruba nos ta mira un cifra di divorcio cu ta subi y cifra di matrimonio cu ta baha (fuente CBS 2023).

Tambe nos ta mira un aumento den e uzo di datingsites cu di diferente manera ta accentua e necesidad di contacto cu otro hende.

No tin un partner no ta nifica cu bo ta desola. Tin personanan cu ta prefera di ta soltero(a) cu den un relacion cu por costa hopi energia, tempo y placa. Den e caso ey, un grupo di amigonan ta hopi importante.

Den nos sociedad nos ta mira cu hende ta biba den un 'bubble'. Esey ta nifica cu nan no ta den contacto cu sociedad completo pero c'un grupo chikito di hende di nan mesun nivel di bida. Esaki ta haci e grupo di contacto for di cual por saca conexionnan valioso mas chikito y tambe e porcentahe pa logra haya e conexionnan aki. Di mes e situacion aki ta haci cu e chens pa sinti soledad ta mas grandi.

E cifranan di suicidio ta muestra cu esaki ta sosode mas tanto entre 30 y 50 año. Hopi biaha ora nos papia di suicidio por link stress cu expectativanan di bida. Mayoria di hende ta spera cu na dado momento nan lo mester conecta c'un partner. Ora nan purba y no logra esaki, e por causa situacionnan di

stress den bida.

E grupo di personanan di 75 año bay ariba t'e grupo cu mas ta experiencia soledad den nos comunidad. E posicion di nos grandinan den sociedad a cambia di hefe y protector di conocimiento y cultura pa un posicion di molester of cargo.

E respet y aprecio pa cu nos grandinan di 3 generacionnan atras cual tabata wordo celebra na grandi no t'ey mas. Mas y mas di nos grandinan ta wordo lubida door di famia, poni un banda door di sociedad y wordo negligish door di e comunidad den cua nan ta biba. Soledad ta un realidad di cua nos no por scapa mas door di situacionnan financiero, fisico of mental.

Nos ta mira cu aki na Aruba ta keda falta casnan di cuida p'esnan di 75 año bay ariba. Un di e luganan mas grandi pa cuida nos grandinan ta S. A. B. A.

Trahadonan ta masha ocupa cu e cuida di e habitantenan. P'esey ta casi imposibel pa nan por tuma tempo pa socialisa cu nan. Ta ser experiencia cu famia di e habitantenan masha poco sa bay bishita nan. Naturalmente cu e instituto ta trata na organisa actividadnan cu ta trece e habitantenan den contacto cu otro hende den e instituto mes, pero cada habitante ta keda sinti falta di nan bida di antes y di nan famia y amistadnan.

Un parti grandi di e mesun categoria aki ainda ta biba den nan mesun cas sin ayudo profesional. Ora ta trata di un pareha, nan dos ta yuda otro. Nan tin nan grupo di amistadnan cu ta bishita otro, nan ta haci diferente actividad manera pinta, cana of atende cu mata cual ta tene nan leu di soledad. Nan mes ta bishita famia y ta bay cu vakantie.

Hopi di nan ta desea di ta disponibel pa cuida y wak p'e nietonan. Pero físicamente nan ta cuminsa bay atras caba. Nan no por cumpli mas cu tur e

hobbynan cual ta haci e gruponan di amistad disolve.

Tambe pa wak pa muchanan cu ta druk no tur ora ta posibel físicamente. Ora cu e energia baha ta dificil pa sali for di cas pa bay keiro of djis pa ta den otro hende. Bishita famia ta costa hopi mas energia y masha lihe ta scoge pa keda cas.

Ademas di esey nos ta mira malesa y/of fayecimento di un di e dos personanan mas frecuente den e grupo aki. Esey ta trece masha hopi cambio, miedo y tristesa cu ta sentimentonan cu ta isola hende frecuentemente. Hende no kier ta den hende ora nan mortalidad ta acercando.

Tambe nos ta mira depresion manera consecuencia di tur e circunstancianan di bida aki. Un realidad hopi desapuntador den nos comunidad moderno ta ancianonan nan so cu ta wordo lubida den cas.

Despues di a cuida nan famia mayoria parti di nan bida awor nan mes ta wordo forsa pa dreña den soledad y pasa pa olvido. Famianan hopi biaha ta uza como motibo pa no bay bishita nan grandinan ta ocupa, carera, expectativanan di bida. Soledad den cada categoria di edad ta un realidad doloroso cu hopi hende ta biba aden.

Tecnologia no tur ora ta trece un solucion. E por ta hasta un clechi bou di cual un postema por crece bira un herida masha habri. Pa kibra e cadena di soledad den nos comunidad nos lo mester cambia nos manera di pensa y cuminsa biba hunto cu otro y no banda di otro.

Nos mester haci escogencianan consciente pa saca hendenan for di e bahl di olvido y inclui nan den bida. Sino, nos tambe posiblemente lo toca e mesun destino.

RECETA DI DIA

Aki nos ta presenta un receta popular y dushi di nos Islanan ABC: Keshi Yena



Ingrediente:

1 bola di keshi gouda of edam grandi (aproximadamente 1 kilo)
250 gram di keshi parmesano raspa
4 tomati corta chikito
2 siboyo corta chikito
2 promenton corta chikito
4 djente di conoflok machica
1/2 cup di manteca
1/2 cup di pinda corta chikito
1/2 cup di rasenchi
1/4 cup di binager
4 webo
Salo y pepper na smaak
Un poco di keri (opcional)
Un poco di ketchup (opcional)

Preparacion:

1. Coba e keshi grandi y saca e parti di paden, lagando un capa di mas of menos 1 cm diki.
2. Dirti e manteca den un wea y hasa e siboyo, promenton y

conoflok te ora nan bira moli.

3. Agrega e tomati, pinda, rasenchi, binager, curry y ketchup y laga nan cushina pa 5 minuut mas.

4. Kita e wea for di candela y agrega e keshi parmesano, webo y salo y pepper na smaak.

5. Yena e keshi grandi cu e mezcla y pone den un wea den forno cu un tiki manteca abao.

6. Horna e keshi yena pa mas of menos 45 minuut na 350 grado Fahrenheit (180 grado Celsius), of te ora e bira bruin dornariba.

7. Sirbi e keshi yena cayente cu pan of aros.

Tip: Si bo kier, bo por agrega otro ingrediente na e reyno, manera carni corta chikito of hila, galiña corta chikito of hila of otro berdura.

Disfruta di bo keshi yena!

Fortaleza pa Famia

No bira lomba pa bo mes famia

***DEN** e buki di Isaias capitulo 58: 7-8 ta para skirbi lo siguiente: No ta pa parti bo pan cu esnan cu tin hamber, y pa trece e pobernan cu no tin cas, den bo cas, pa ora bo mira un hende sunu, bo bisti'e, y pa no bira lomba pa bo mes famia.

*E ora ey bo luz lo sali manera e aurora, y bo recuperacion lo sigui mesora, y bo husticia lo bay bo dilanti, e gloria di Señor lo ta na bo proteccion di atras.

*Hesus ta recorda nos tur cu ni maske kico pasa, ni maske cuanto diabel purba di trece diferencia y division den famia pa medio di opinion y actitud contrario na e palabra di Dios, nos ta keda prohimo di otro y e amor di Dios pa otro mester keda existi.

*Den Mateo capitulo 13:24-30/32-43 e ta bolbe recorda nos cu e maishi y e yerba shimaron lo crece hunto, y e cunukeronan a puntra e doño di cunucu si nan por ranca nan, y e doño di cunucu a contesta, laga nan crece hunto cu na final E lo manda Su angelnan pa ranca e yerba shimaron mara hunto pa wordo kima y e maishi E lo warda den Su mangashina.

Awe nos introduccion ta diferente. pero asina ta, despues di e resultado di ayera despues di e decision di un hues cu mester wordo respeta aki na tera, pasobra e ta un decision terenal, pero alabes cu lo trece hopi division den famia, pasobra e porta di libertinahe a wordo habri y legalisa.

Locual antes tabata wordo haci scondi, pasobra e asunto aki ta existi for di principio di mundo, pasobra tur hende conoce e historia di Sodoma y Gomorra.

E generacion cu nos tin awor aki, tin un gran lucha entre malo y bon, den un palabra bisa nan ta tuma malo haci bon, pero pa adulonan mayor ni maske kico bo haci e noticia aki lo no cay den bon tera.

* Y hopi lo ta esnan cu lo tin duele di mira con nan relacion entre nan cu nan yiu y nietonan ta debilita of miho bisa ta kibra, pasobra nan no por acepta un cambio den nan famia cu ta completamente contra e boluntad di Dios.

Ni maske cuanto Centro wordo habri pa adulto mayor por



pasa rato contento, esey lo no kita e dolor di etica, respet y moralidad cu nan semper a boga pe y cu awor nan lo mira un cambio drastico ta bay tuma luga.

E asunto aki no ta facil, it is not an overnight thing, e ta facil pa dicta un sentencia, pero no ta facil pa biba cu e sentencia y specialmente ora respet y temor di Dios wordo poni un banda.

Si nos tabata papia di depresion y salud mental, awor a yega e momento di cuida, pasobra hopi lo no por bay soporta e ola di libertinahe cu ta bay tuma luga, e ta bay a costo di nos respet y a costo di nos famianan.

Esaki ta un celebracion cu hende mester ta masha cauteloso cu ne, pasobra e lucha no ta contra bo prohimo, ni contra iglesia, ni contra misa, pero e lucha ta contra e Palabra y Principionan di Dios,

Dios ta Todopoderoso, y Kende a declara e decision cu E a tuma contra esnan cu cambia E Berdad di Dios pa un mentira (Romanonan 1:18-32).

Laga nos tur keda den oracion awor mas cu nunca y duna otro respet y no lubida locual ta para skirbi den Juan 10:10.



Aurora
Royal Pray
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil, Pa mi bolbe haña forsa".
Salmo: 23

Cu dolor na nos curason,
Nos ta participa fayecimento di nos ser stima:

Franklin Antonio Priam

*28-11-1951 - †30-06-2024

Acto di entierro lo wordo anuncia despues



Aurora
Royal Pray
Funeral Home & Crematory

Yora cu m'a bay of gosa cu m'a biba..
Sera bo wowo y resa pa mi bin bek of
habri bo wowo y mira tur recuerdonan
bunita cu a ked'atras..Bo curason por
ta bashi pasobra bo no ta mira mi mas
of bo curason ta yen di amor cu nos a
comparti...Bo por yora sera bo mente,
sinti e bashi y bira lomba of bo por haci
loke semper mi a gusta: hari y gosa bida!
Conta chasco tabata mi pasion.

Cu inmenso tristesa nos ta participa fayecimento di
nos ser stima:

Sr. Vicente José Henriquez

Ex hungador di SV Bubali Sportclub
Ex hungador di Barracuda Billiard Team
cariñosamente yama "Dada of Ten ten"
*15-04-1928 - †12-07-2024

Acto di entierro lo wordo anuncia despues



Aurora
Royal Pray
Funeral Home & Crematory

"Bou di alanan di Dios mi ta sigur" Abo ku ta biba bou
di amparo di Altísimo, ta hospedá den sombra di Dios
Omnipotente, bisa Señor: "Mi refugio, mi forti, mi Dios,
den kende mi ta pone mi konfiansa". - Salmo 91:1-2

Cu inmenso tristesa nos ta anuncia
fayecimento di nos ser stima:

Sr. Thomas P. Quandus

cariñosamente yama "Tom"
*14-11-1939 - †12-07-2024

Acto di entierro lo wordo anuncia despues



Aurora
Royal Pray
Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa frankil, pa mi bolbe haña
forsa". - Salmo: 23

Cu hopi tristesa pero conforme cu boluntad di
Dios nos ta anuncia cu a bai laga nos den brasa
di Senor nos querida mama, wela, ruman, tanta:

**Sra Vda Nelda
Wingh-Wever**

13-10-1935 - † 09-07-2024
Viuda di George Wingh

Yiunan: Steve & Aurora
Clyve
Belkis & Michael
George
Javline & Maarten

Nieto(a)nan: Cliff
Clint
Kayling
Maeyo
Mandy

Rumanan: Julio, Petra y famia
† Carmen
Lulio, Rosa y famia
Helio, Vilma y famia
Taly, Raiza y famia
Chebio y famia
Heliana, +Lesley y famia
Dalila, Franklin y famia
Alirio, Diane y famia
Orlando, Ankie y famia
Clara, Stanley y famia
Swa y cunan:
† Julia y famia
Carmen, †Fefe y famia
Eddy, Maria y famia
†Edwina, Enrique y famia

Sobrino y sobrinanan, primo y primanan, ta mucho pa
menciona

Ta invita demas famia, amistades y conocirnan pa uni
cu nos den un acto di despedida di nos difunto stima
cual lo tuma lugar **Diamars, 16 di Juli 2024** di 2'or pa
4'or na Catedral San Fransisco na Playa y despues lo
sali pa Santana na Sabana Basora. E defunto lo reposa
for di 2or di merdia den misa.

Un danki special ta bai pa Dr Jones y staf y personal di
Trinity Quality Care Services.

Despues di entierro nos lo no ricibi bishita di
condolencia na cas.
Nos disculpa si den nos tristesa nos por a lubida
cualquier persona.



Aurora
Royal Pray
Funeral Home & Crematory

The Lord is my shepherd, I lack nothing.
He makes me lie down in green pastures,
he leads me beside quiet waters,
He refreshes my soul.
He guides me along the right paths
for his name's sake.
Psalm 23: 1-3

We announce the passing of:

Zenaida Gojo Cruz

*20-01-1958 - †09-07-2024

Left to mourn are her:

Partner:

Ronilo Santiago

Children:

Helen Policarpio & Eduardo Lagmay
Leila Policarpio & Raffy Foronda
Oliver Policarpio & Lira Policarpio
Bernie Policarpio
Arzeih Santiago & Jen Santiago

Grandchildren:

Gallileah Foronda, Ethan Matthew Foronda,
Yuan Policarpio, Luigi Policarpio, Zoie
Santiago, Hannah Santiago

Brother & sister:

Isidoro San Jose
Irene San Jose

Nephews & nieces:

Ronaldo German & family
Mary Rose German & Ariel Serbo & family
Lorenza San Jose & Adolfo Adviento &
family
Rowena San Jose & Jeff & family
Princess San Jose
Flordeliza San Jose & family
Ailene San Jose & family
Arlene (Aba) San Jose
Carlos San Jose

Sister-in-law:

Thess San Jose

Opportunity for viewing:

Monday, July 15, 2024, at Aurora Funeral
Home from 7: 00 to 11:00

Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

☎ **6990495**



www.laycro.com



“Señor ta mi wardador, mi’n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa”.
Salmo: 23

Maria Margarita
Werleman-Croes

Mihor conocí como Margo
*08 mei 1943 – † 10 juli 2024
Vda di † Estanislao (Edi) Werleman

Yuinan:
Judella Werleman Y Angelo Geerman y juinan Bjorn Werleman
Jouraine Werleman

Nietonan:
Nathan, Clayton, Delvan y Kayden

Rumannan:
†Hilda y †Jan Croes
†Americo (Merco) Croes
†Reina Croes
†Hendrik (Nono) Croes
†Henry (Herichi) y †Chia Croes
†Charles (Chai) y †Reina Croes
Lucila (Chichi) Croes

Subrinonan y subrinanan cu ta mucho hopi pa menshona y famia
Sobre subrino y subrinanan

Swa y cuñanan:
†Ana Maria (Ani) y †Pedro Croes y famia
†Marina (Ina)
Francisca (Chica) y †Henry Henriquez y famia
Luzinda (Chinda) y Harold Burne y famia
Ricardo (Cado) y Julianita Werleman
Max (Mac) y Sabrina Werleman y famia
Oswaldo (Daje) Werleman y famia
Lucia (Goochi) y †Ruben Feliciana y famia

Tata di su nietonan:
Anthony Henriquez y Ivan Ng

Amiga: Aura Croes

Tur su prima y primonan, bisña y conocirnan y personal di San Pedro Paviljoen afdeling Azalea.

Demas famianan:
Werleman, Croes, van der Biest, Henriquez, Ng, Geerman, Solognier, Koolman, Rasmijn, Boekhoudt, Angela, Tromp, Abreu, Campo.

Despensa nos si den nos tristesa nos por a lubida algun famia of conocir di nos defunto stima.

Oportunidad pa condolencia lo ta **diamars 16 di Juli 2024** di 7pm pa 9or pm na Royal Funeral Home.

Ta invita pa e acto di entierro cu lo tuma lugar **Diaranson 17 di Juli 2024** na Kerki Protestant na Piedra plat di 9or pa 10:30 am Sirbishi lo cuminsa y lo termina pa 11or di mainta despues lo Sali bai pa santana Protestant na Piedra plat.

Despues di entierro nos no ta ricibi bishita di condolencia na cas.



“Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi”. - Salmo 33

Cu inmenso tristeza na nos curason, pero conforme cu Dios Su boltundad, nos ta participa fayecimento di nos querida mama, wela, ruman, tanta stima:

Ilvia Maria
Winterdaal-Croes

*25 oktober 1947 – †10 juli 2024
Mihor conoci como “Ita”
Vda di Symon Winterdaal

Na nomber di su:
Yiunan: Sylvienne Winterdaal
Selkys Winterdaal

Manera yiunan: Shareska Arends
Gerard Croes

Su pret'i wowonan: Genivienne Regales
Ian Dania

Rumannan: Rosly y Roly Werleman
†Renato Croes
†Eddie Croes
†Edwin y Chinda Croes - Tromp
Hubert y Mariana Croes - Giel

Tanta & Omonan: vdo Ildo Croes y †Eta Croes
Essy y Aurora “Lola” Croes
†Bebe y Mama Jojo Croes
†Dufy y Sita Croes
Irena Croes
Shona Ca Vieira y famia na Canada
vda Rosalba Croes na Colombia

Sua & Cuñanan: †Donny & Olga Winterdaal - Tromp
Ludwina Winterdaal
Gladys Winterdaal
Calvin Winterdaal
Lilian Winterdaal
†Rufo y Elena Winterdaal - Tromp
Melva y Martin Tromp
Varida y Johnny Ras

Subrina(o)nan: Cedrick Werleman & Julietta Rasmijn
Juliette Werleman & Renald Thiel
Randolph Werleman & Rosa-Maria Gomez
Kimberly Croes y Tonito Tromp
Howard Croes y Wendely Boekhoudt
Randishlay Werleman y Franklin Gomes

Manera subrino(a)nan: Edmond, Zerlina, Milton Tromp & famia
Melissa, Sharissa Ras & famia
Keyla Winterdaal & famia

Prima & Primonan: Retty, Miriam, Mayra, Randy
Marlon, Giovanni, Marlyn
Glenda, Sharlyn, Sandra
Eric, Julissa, Michelle, Soraya, Johnny
Edric
Andry, Charmaine
Reuben, Dorothy, Valerie
David
Theresita
Buchi, Maiky
Carlito

Ihanan: Marlyn Buys
Randolph Werleman
Andry Acosta

Su bisñanan stima: Angie Kock & famia
Chem Thiel, Ashley, Vicky Dirksz & famia

Amigonan di cas: Netty Williams, Maria Maduro, Maria Geerman-Croes, Sharina Romano-Kelly y famia, Roy Kelly y famia, Judith Fraai y famia na Korsou.

Demas famia: Winterdaal, Croes, Regales, Dania, Arends, Werleman, Winterdal, Bonnet, Vieira, Tromp, Ras, Thiel, Rasmijn, Boekhoudt, Buys, Gomes, Orman, Cheong, Thiel, Acosta, Tjon Sie Fat, van Velzen.

Demas miembronan di Legion di Maria y Blue Army, ex coleganan di Scol Dunun Man.

Demas famianan na Aruba, Carson, Canada, Colombia, Hulanda.
Un gradicimento special di curason na Lola Geerman cu a yud’e durante su enfermedad.

Ta invita pa acto di condolencia cu lo tuma lugar **diamars 16 juli 2024** di 7:00 pm – 9:00 pm na Aurora Funeral Home. Acto di despedida lo tuma lugar **dianan 17 juli 2024** 9:00 – 11:00 am, sigui pa un respons. Cremacion lo tuma lugar den seno familiar.

Deseo di e defunto pa bisti colorman alegre. Nos ta pidi nos disculpa si den nos tristesa nos por a lubida un of otro famia. Despues di entierro no ta ricibi bishita di condolencia na cas. Enbes di manda flor of krans, lo tin un box disponibel pa Koningin Wilhelmina Fonds.



“E lo proteha bo cu su plumanan, y bao su halanan bo lo sinti bo sigur, su lealtad ta bo proteccion”. - Salmo 91

A fayece cristianamente nos mama, wela, ruman y tanta:

Sra. vda. Maria
Felepina Lewis-Barret

*21-11-1946 - †09-07-2024

Na nomber di su:
Mama: †Juana (Ninita) Barret-Loefstop
Tata: †Julio Antonio Barret
Esposo: †John Mervin Lewis

Yiunan:
Aquannette Amariane Gunn
Albert Urbain Lewis

Unico nieto, su pret'i wowo:
Brandon Allan Lewis

Rumannan:
†Virgilio (Chombi) Barret
†Carolina (Ina) y †Oscar Gomez-Barret y yiunan
†Cerilio (Ceril) y †Carmen Barret-Kock y yiunan
vda. Petronilia (Nelly) y †Eddy Lourens-Barret y yiunan
†Beatrix (Fona) y †Karel Trappenberg-Barret y yiunan
†Thomas y vda. Olivia Barret-Rene y yiunan
Andres y Rufina Barret-Haayen y yiunan
†Victor (Jany) y vda. Filomena Barret-Trimon y yiunan
vda. Victoria (Toya) Odor-Barret y †Gilbert Odor y yiu

Subrino- y subrinanan, cu ta mucho hopi pa menciona y famia.
Sobre subrino- y subrinanan y famia.

Primo- y primanan, comer y comper, ihanan, amigo- y amiganan, compañoeronan y personal di Happy Days Care.
Ex coleganan di Moises de Marchena & Sons

Demas famianan:
Barret, Lewis, Gunn, Quant, Gomez, Kock, Lourens, Trappenberg, Rene, Haayen, Trimon, Odor, Loefstop y Dorothal.

Despensa nos si den nos tristesa nos por a lubida algun famia of conocir di nos difunto stima.

Acto di entierro lo tuma luga **dianan 17 di juli 2024** di 1or pa 4or di atardi na Royal Funeral Home. Despues nos lo hiba nos difunto stima na su ultimo luga di sosiego na Santana Pastoor De Vries na Santa Cruz.
Despues di entierro nos no ta ricibi bishita na cas.



“Señor ta mi wardador, mi’n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa”.
Salmo: 23

Nos ta anuncia fayecimento di:

Felix R Boekhoudt

*30-08-1953 - †12-07-2024

Acto di entierro lo wordo anuncia despues.



E DIFERENCIA DEN NOTICIA

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com